


Oqaluuserisassat  
Kommunalbestyrelsi  
Ataatsimiinneq 07/2011



**Oqaluuserisassat  
Kommunalbestyrelsi  
Ataatsimiinneq 07/2011**

**Qaqortumi qinikkat ataatsimiittarfianni  
25.11.2011 nal. 09.00**

**OQALUUSERISASSAT ALLASSIMAFFIAT:**

1. Oqaluuserisassat akuersissutigineqarnerat
2. Siulittaasumit ilisimatitsissutit
3. Aningaasatigut killiffik
4. Missingersuutitigut nikisitsinissamik qinnuteqaat
5. Kommunip aningaasatigut inissisimanera pillugu naalakkersuisut nalunaarutaat
6. Pinaveersaartitsisut inissisimanerisa isummerfigeqqinneqarnissaanik siunnersuut
7. Kommunip inissiaataani ineqarnermut akiliutit qaffanneqarnissaat pillugu kukkundersiuisut nassuiaataat
8. 2012-imut missingersuutit aappassaanerqarnerat
9. PBS-mut ikaarsaariarnissaq kommunillu karseqarunnaarnissaa pillugu siunnersuut
10. Kommunip illutaani oqoqarneranik misissuinissamik Kaj Lyberthip siunnersuutaa
11. Kommunip inissiaataasa 2010-imi ukiumoortumik naatsorsuutai pillugit kukkundersiuisup oqaaseriumasai
12. Kommunip illuutaanik tuniniaaneq
13. PPR-ip tiguneqarnera
14. Kukkundersiuisut nalunaarutaat nr. 7
15. Kukkundersiuisut nalunaarutaat nr. 8
16. Gardar Foundation
17. 16. Kommunalbestyrelsip 2012-imi ataatsimiiffissaanut pilersaarutit
18. Tamalaat

**PEQATAASUT:**

- Atassut:** Thomas Ezekiasen
- Demokraterne:** Carl Rødgaard
- Inuit Ataqtigiit:** Lisbeth Søvndahl Pedersen, Henrik Brummerstedt, Ingemann Dorph, Lasse Davidsen
- Siumut:** Simon Simonsen, Kiista P. Isaksen, Kristine Raahauge, Jens Peter Kielsen, Kalistat Lund, Kaj Lyberth, Samuel Simonsen, Ole Mølgaard-Motzfeldt, Bena Olsen

**Peqataanngitsut:**

- Atorfilittat:** Pisortaaneq Jørgen Vetterlain, pisortaanerup tullia Frank Hedegaard Jørgensen, aningaasaqarnermut pisortaq Kim Rosendahl (Imm. 3 -9), aningaasaqarnermut siunnersorti Claus Wæde Hansen (Imm. 3 - 9)
- Oqalutsit:** Oqalutsit aqutsisuat Kelly Berthelsen aammalu Amalie Zeeb

**IMM. 1. OQALUUSERISASSAT AKUERSISSUTIGINEQARNERAT**

Aalajangerneq

**IMM. 2. SIULITTAASUMIT ILISIMATITSISSUTIT**

Aalajangerneq

**IMM. 3. ANINGAASATIGUT KILLIFFIK**

Oqaluuserisassat  
Kommunalbestyrelsi  
Ataatsimiinneq 07/2011

Aningaasaqarnermik Ingerlatsivik ukiumi naatsorsuuteqarfimmi 2011-imi nammineq suliassaqarfimmini aningaasatigut killiffimmik 01.11.2011-meersumik kiisalu naatsorsuutit killiffiinik 04.11.11-imeersunik kiisalu ataatsimiititaliat allat kontuisa pingaarnert takussutissartaannik (kontumut pilersaarummi kisitsisit siulliit sisamat) nassiussaqqarpoq.

Akilerartarnermik aqutsisoqarfik nalunaarpoq akileraarutit siumoorlugit tigusat amerlavallaat oktoberip naanerani 14,8 mio. kr.-iniit 13,2 mio. kr.-inut ikileriarsimasut. Akilerartarnermik aqutsisoqarfiup naatsorsuutigaa ukiumut naatsorsuutit inerneru 6,5 mio. kr.-iussasut.

Inatsisit tunngavigisat:  
Aqutsinermut inatsimmi § 43 imm. 2

Aningaasartai:

Pisortaanerit inassuteqaataat:  
Indstilles taget til orientering

Aningaasaqarnermut Ataatsimiititaliap ataatsimiinnera 142011:

**Aalajangerneq**

**IMM. 4 MISSINGERSUUTITIGUT NIKISITERINISSAMIK QINNUTEQAATIT**

Aningaasartuutininut allannguutaanngitsumik missingersuutitigut nikisitsinissamik Allattoqarfik qinnuteqaateqqarpoq.

Malugeqquneqqarporli aningaasaqarnermut siunnersortip naatsorsuutigimmagu suliassaqarfimmi tassani atukkat 4 mio. kr.-it missaannik amerlanerussasut.

Atuarfeqqarnermut meeqqeriveqqarnermullu ataatsimiititaliaaq missingersuutitigut nikisitsinissamik aningaasartuutininut allannguutaasussaannngitsumik qinnuteqqarteqqarpoq.

Inatsisit tunngavigisat:  
Aqutsinermut inatsit naapertorlugu

Aningaasartai:  
Aningaasartuutininut allannguutaanngitsiq

Pisortaanerit inassuteqaataat:  
Akuerineqqassasq inassutigineqqarpoq

Aningaasaqarnermut Ataatsimiititaliap ataatsimiinnera 132011: Atuarfeqqarnermut Meeqqeriveqqarnermullu Ataatsimiititaliap qinnuteqaataa akuerineqqarnissaa kaammattuutigalugu kommunalbestyrelsimut ingerlatinneqqassasq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

#### **IMM. 5. KOMMUNIP ANINGAASATIGUT KILLIFFIA PITSANNGORSARNIARLUGU ILIUUSISSAT PILLUGIT NAALAKKERSUISUT NALUNAARUTAAT**

Aningaasaqarnermut ataatsimiititaliap ataatsimiinneranit kingullermit imm. 6-ip nanginneqarnera. Kommunip aningaasaqarnera pillugu Naalakkersuisut kommunillu suleqatigiissitaata sulinera aallaavigalugu kommunip aningaasatigut killiffia pillugu aalajangiinernik Naalakkersuisut nassiussaqarput.

Inatsisit tunngavigineqartut:

Aqutsinermut inatsimmi § 41, imm. 1, 4 aamma 5.

Aningaasartai:

Kommunip aningaasatigut tigorianaateqarnikkullu aqutsinera isumannaallisarneqassaaq.

Pisortaanerit inassuteqaataat:

Allamik periarfissaqavissunngilaq kisianni Naalakkersuisut aalajangererat tusaatissatut tigullugu.

### **Aalajangerneq**

#### **IMM. 6. PINAVEERSAARTITSINERMUT SIUNNERSORTIP ISUMAGINNITTOQARFIUP ATAANIINNERATA ISUMMERFIGEQQINNEQARNISSAANIK SIUNNERSUUT**

Pinaveersaartitsinermut siunnersortit isumaginnittoqarfiup ataaniinnerisa isummerfigeqqinneqarnissaannik Kiista P. Isaksenip siunnersuutaa. Siunnersortit kulturimut sunngiffimmullu ingerlatsiviup ataaniittariaqarnerinik siunnersuut tunngavilersorneqarpoq.

Namminersorlutik Oqartussat suliassa qarfiinik nuussineq pissutigalugu kommunip aqutsinermut ileqqoreqqusai allangortittariaqalissanersut KANUKOKA-mut paasiniarneqarsimanersoq aamma apeqqutigineqarpoq. KANUKOKA tamanna pillugu akivoq ”suliassa qarfinnik ataatsimiititaliat akornanni suliassa qarfiit agguataarnerat pillugu aalajangersagaareersunut imaaliinarlugit ilanngunneqarsinnaanngitsunik kommuninut nuussisoqarpat kommuni aqutsinermut ileqqoreqqusaminik allangortitsisariaqarsinnaavoq.

Isumaginninnermut ataatsimiititaliap siunnersuut oqaluuserereerlugu itigartinneqarnissaanik inassuteqaateqarpoq pinaveersaartitsinermut siunnersortit isumaginnittoqarfiup ataaniitsiinnarneqarnissaat kissaatigineqarmat.

Inatsisit tunngavigineqartut:

Oqaluuserisassat  
Kommunalbestyrelsi  
Ataatsimiinneq 07/2011

Aqutsinermut inatsimmi § 42, imm. 1.

Aningaasatigut kingunissai:

Ilaqutariinnik sullissiviup, angalaarlutik pinaveersaartitsisut kiisalu pinaveersaartitsinermut siunnersortit ataatsimuulersinneqarnerisigut ukiumut 400.000 kr.-it ileqqaarutigineqarnissaat Isumaginninnermik Ingerlatsiviup tikkuarsimavaa. Siunnersuut manna naammassineqassagaluarpasat ileqqaarutisat taakku naammassineqarsinnaassanngitsut Isumaginninnermut pisortamit oqaatigineqarpoq.

Pisortaanerit inassuteqaataat:

Isumaginninnermut ataatsimiititaliap inassuteqaataa taperserneqarpoq, aamma ukiumut ileqqaarutigineqarsinnaasut 400.000 kr.-it ilanngullugit. Kommunini allanissaaq siunnersortit isumaginnittoqarfiup ataaniipput.

Aningaasaqarnermut Ataatsimiititaliap ataatsimiinnera 102011: *Isumaginninnermut ataatsimiititaliap sulii oqaluuserisimannimmagu ataatsimiinnermut tullermut kinguartinneqarpoq.*

Kommunalbestyrelsip ataatsimiinnera 052011: *Ataatsimiititaliami oqaluuserineqaaqartariaqarnera pillugu suliaq kommunalbestyrelsip ataatsimiinnissaanut tullermut kinguartinneqarpoq.*

Aningaasaqarnermut Ataatsimiititaliap ataatsimiinnera 142011:

## **Aalajangerneq**

### **IMM. 7. KOMMUNIP INISSIAATAANI INEQARNERMUT AKILIUTIT QAFFANNEQARNISSAAT PILLUGU KUKKUNERSIUISUNIIT NASSUIAAT.**

Siusinnerusukkut ineqarnermut akit qaffattariaqarsimanersut kiisalu siunissami qaffattariaqarnersut pillugit kommunalbestyrelsip apeqquteqaataanut BDO-mi Kommuninik Kukkunersiuisoqarfiup akissutini nassiuppai.

#### **Ineqarnermut akit siusinnerusukut qaffattariaqarsimanersut**

2009-imi ineqarnermut immikkoortortat naatsorsuutaanut kukkunersiuinermi oqaaseqaataasimasut innersuussutigaaavut. Immikkoortortani qassiini amigartoortutinik amerliartorsimasunik ukiuni aggersuni matussuserniagassaartoq oqaatigineqarpoq. Immikkoortortaq ataaseq pillugu oqaatigineqarpoq amigartoortutit eqiterneqarsimasut matussuserniarlugit ukiuni aggersuni aningaasat ikigisasaanngitsut missingersuutinut ilanngunneqartariaqassasut.

Aammattaaq illuartitat naammannersut paasiniarlugu aserfallatsaaliinermut nutarterinermullu piler-saarutit misissorneqarnissaat nutarterneqarnissaallu kaammattuutigaarput.

Taamaamat isumaqarpugut minnerpaamik 2010-miilli immikkoortortat qassiit eqqarsaatigalugit amigartoortutit eqiterneqarsimasut matussuserniarlugit ineqarnermut akiliutit qaffanneqarsimasariaqarluartut.

Oqaluuserisassat  
Kommunalbestyrelsi  
Ataatsimiinneq 07/2011

Ineqarnermut immikkoortortani pissutsit assigiinngissitaarput. Ineqarnermut immikkoortortani ata-siakkaani amigartoorutit matussuserniarlugit ukiuni siuliini ineqarnermut akiliutit qaffanneqarsima-sariaqaralarput.

Ineqarnermut akiliutit qaffanneqarnerannut taarsiullugu aserfallatsaaliinermut nutarterinermullu pilersaarutitigut tamanna ajornassangnipat aserfallatsaaliinermut aningaasartuutit ileqqaarfigine-qarsinnaapput.

Ilisimatitsissutigissavarpulli ineqarnermut immikkoortortat arlaannaalluunniit ileqqaakkamigut 2009-imi amigartooruteqanngimmat (aserfallatsaaliinermut illuartitat il.il. amigartoorutinik ilanngarlugit).

**Siunissami ineqarnermut akiliutit qaffannissaat**

2010-imi ineqarnermut immikkoortortat arfineq-pingasut akornanni arfinillit ileqqaakkamikkut amigartooruteqarput (aserfallatsaaliinermut illuartitat il.il. amigartoorutinik ilanngarlugit) ilisimatinnepugullu immikkoortortani tamani ineqarnermut akiliutit 2012-imi 10%-imik qaffanneqar-nissaat ilimasaarutigineqarsimasoq.

Ineqarnermut akiliutit qaffaataat taakku naammannersut oqaatigiuminaappoq tassami aserfallatsaaliinermut nutarterinermullu pilersaarutit suli nutarterneqarsimanngimmata.

Isumaqarpugulli 2010-ip naanerani ineqarnermut immikkoortortat ilaat aserfallatsaaliinermut nutarterinermullu illuartitaqarsimanngimmata immikkoortortani illuartitat qaffarniarlugit ineqarnermut akiliutit suli qaffaqqittariaqassasut.

Ilanngulluguli ilisimatitsissutigisariaqarpoq 2011-imi august/septemberimi tikeraarnitsinni paasisi-magatsigu 2011-imi missingersuutini aserfallatsaaliinermi nutarterinermilu ileqqaartoqarsimasoq.

Nalunaarut naapertorlugu ineqarnermut akiliutit aalajangerneqartartussaapput oqimaaqatigiisitsi-nermik taasaq tunngavigalugu.

Ineqarnermut akiliutit ilaat inissiat aserfallatsaaliineqarnerannut atorneqartarput. Kisiannili aserfallatsaaliinermut illuartitat naammannersut naliliiffigisinnaanngilarput aserfallatsaaliinermut nutarterinermullu pilersaarusiortoqarsimanngimmat. Nalunaarut naapertorlugu aserfallatsaaliinermut nutarterinermullu pilersaarutit minnerpaamik ukiunut tulliuuttunut qulinut tunngasut suliarineqartussaapput, soorluttaaq aserfallatsaaliinermut pilersaarusiarnut ilanngullugu aningaasani illuartitani uninn-gasuutit allanngornerat malillugu ukiumut agguataakkanik aningaasanik tigorianaannarnik missinger-suusiortoqarsimasussaasoq.

Inatsisit tunngavigineqartut:

Aqutsinermut inatsimmi §§ 42, imm. 1 aamma 44, imm. 1.

Aningaasartai:

Pisortaanerit inassuteqaataat:

Kukkunersiuisut nassuiaataat tusaatissatut tiguneqarallassasoq kommunalbestyrelsillu ineqarnermut tunngasunik suliaanut ilanngunneqassasoq.

## Aalajangerneq

### **IMM. 8. 2012- MUT MISSINGERSUUTIT AAPPASSAANNEERNEQARNERAT**

2012-mut missingersuutit aappassaanneerpeqarnerat

2012-mi missingersuutit oqimaaqatigiissikkumallugit 18,7 mio. kr.-it ileqqaarutigineqartariaqarput. Pisortaqatigiit kiisalu immikkut siunnersorti Leif Scharling nunami namminerimi naalackersuisoqarfimmeersoq ileqqaarutissanik sulii allanik ataatsimiititaliani oqaluuserineqartussanik siunnersuuteqarput, ataatsimiititaliallu ileqqaarutissanik sulii allanik kingorna siunnersuuteqarput naatsorsukkani ilanngussani takuneqarsinnaasunik.

Nakkutilliinermut oqartussaniit inerniliussat ilisimatitsissutigineqartut:

- Innuttaasut katitigaanerat. Utoqqaat amerliartornerat inuusuttullu ikiliartornerat ingerlatsinermut saanaartormullu aningaasartuutaajumaartunut sunniuteqartussaavoq. Taamaammatt salliutillugit sulii niutigineqartut meeqqanut inuusuttunullu tunngassuteqartuniit utoqqarnut tunngassuteqartunut niki-sinneqartariaqarput.
- Kanukokap naleqqersuinerimi kisitsisaatai atorsigit kisitsisillu naleqqersuutsissat allat atuisunut tunngassuteqartut suliaralugit.
- Ingerlatani allani ileqqaarutit, soorlu isumaginnittoqarfimmi aammalu ilinniartitaanermut kulturimullu tunngasut suliamut tassunga ilanngunneqartariaqarput. Aammalu ingerlatat minnerusut, soorlu inuussutissarsiorneq, misissuiffigineqartariaqarput.
- Itigartitsineq ilinniarniarsiuk.
- Kommune Kujalleq qaammatikkaartumik aningaasatigut killiffimmik ukiup sinneranut missingiutitalimmik nassiusaqaartassaaq (amma Aningaasaqarnermut Ataatsimiititaliamut nassiuqqartartus-samik. )
- 2012-imi ukiunilu aggersuni sinneqartoorutiginiakkat qaffanneqartariaqarput kiisalu kommuni 2011-ip sinnerani aningaasartuutit pillugit sukangasumik ingerlatsinerminik nangitsisariaqarluni.
- Kommune ileqqaaruteqarnermigut tigorianaannarnik aningaasaateqarnini pitsaanerulersittariaqarpaa. Tamanna ilaatigut anguneqarsinnaavoq kommunip allaffissornermi iliorsimanermisulli ingerlatsinermut kontumini tamani aningaasartuutit ikilineqarnissaat siunertaralugu misissuataarineratigut.

Aningaasaqarnermut Ataatsimiititaliaq missingersuutissatut siunnersuutininik naammassisanik nassiusaqaartariaqarami ileqqaarutissatut siunnersuutininik takkussimasunik pingaarnersiuisariaqarpoq.

Inatsisit tunngavigineqartut:

Aqutsinermut inatsimmi § 42, imm. 1.

Aningaasartai:

18,7 millioner kr.-it ileqqaarutigineqartariaqarput.

Pisortaanerit inassuteqaataat:

18,7 millioner kr.-inik ileqqaaruteqarniarnissaq ingerlatiinneqassassoq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

#### **IMM. 9. PBS-MUT IKAARSAARIARNISAMIK KOMMUNIMILU KARSIT ATORNEQA-RUNNAARNISSAANNIK SIUNNERSUUT**

Aningaasaqarnermut ataatsimiititaliami oqaluuserineqartarsimasut innersuussutigalugit aningaasaqarnermik ingerlatsivik siunnersuuteqarpoq inatsimmi periarfissarititaasut naapertorlugit akiligassat aalajangersimasut tamarmik ukiup nikinneraniit PBS-ikkut akilerneqartalernissaannut kommuni ikaarsaassasoq.

Aammattaaq inassutigineqarpoq inatsimmi periarfissat naapertorlugit piffissaq taanna eqqorlugu kommuni karsinik atuijunnaassasoq taamalu akiliutit tigusassallu tamarmik aningaaserivik aqquigalugu pialissasut.

Inatsisit tunngavigineqartut:  
Aqutsinermut inatsimmi § 44, imm. 1.

Aningaasatigut kingunissai:  
Akiitsut ikiliartornerat.

Pisortaanerit inassuteqaataat:  
Siunnersuutip akuerineqarnissaa inassutigineqarpoq kiisalu tamakku pillugit innuttaasunut paasititsiniaanerit siunnersuutigineqartut piaarnerpaamik aallartinneqartariaqarlutik.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

#### **IMM. 10. KOMMUNIP ILLUUTAASA OQOQARNERANNIK MISISSUIFFIGINEQARNISSAANNIK KAJ LYBERTHIP SIUNNERSUUTAA**

Kommunip illuutaasa qassiit oqoqarnerat pissutigalugu kommunip illuutaasa oqoqarnerannik misissuinissamut teknikkeqarfik pilersaarusiussasoq Kaj Lyberth-imit siunnersuutigineqarpoq.

Teknikkimut pisortap inassutigaa ingerlatsivinni pisortat tamarmik ingerlatsivimminni illunik atorneqartunik nalunaarsuissasut – nalunaarsukkani taakkuni illut qanoq atorneqarneri kiisalu ingerlatsinermut missingersuutini aserfallatsaaliinermut qanoq aningaasartaqarneri nassuiarneqarsimassaput.

Tamatuma kingorna teknikkeqarfiup illut taakku misissuataassavai qanoq issusiinik ataatsimut naliliinissaq siunertaralugu, misissuinerillu taakku illut pineqartut piffissakkuutaartumik pilersaarusiukkamik aserfallat-

Oqaluuserisassat  
Kommunalbestyrelsi  
Ataatsimiinneq 07/2011

saaliinermut pilersaarusiordfigineqarnerannut tunngaviussapput, taamalu kommunalbestyrelsip aningaasaliinermut pilersaarusiornissaanut tunngavissiortoqassalluni. Misissuinermi siullermi ISS oqoqarneranik misissuinermit ikiuussinnaavoq taamaalilluta kommunip illuutaani ”navianarluinnartut” pinngitsoorsinnaaniassagatsigit. Tamatuma saniatigut teknikkeqarfik paaqqinnittarfinnut/sullissivinnut assigisaannullu paasissutissiissutinik suliaqassaaq illut taakku qanoq oqunnaveersaartinneqarnissaannik siunnersuutitalinnik. Amerlanerpassuartigut silaannarissartarnek isumatusaarnerlu apeqquataaginnartarput.

Inatsisit:

Aqutsinermut inatsimmi §§ 42, imm. 1, tak . 44, tak,.1

Aningaasatigut kingunissai:

Aningaasat aalajangersimasumik amerlassusillit, soorlu 250.000 kr. suliasamat tassunga teknikkeqarfimmiit immikkoortinneqassapput.

Pisortaanerit inassuteqaataat

Siunnersuut tapersersugassaqqissoq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

## **IMM. 11. KOMMUNIP INISSIAATAI PILLUGIT 2010-MI UKIUMOORTUMIK NAATSORSUUTINUT KUKKUNERSIUISUT OQAASERIUMASAAT.**

Teknikkimut Ataatsimiititaliap 16. september 2011 ataatsimiinnermini Kommune Kujalliup inissiaataanni attartortittakkani ukiumoortumik naatsorsuutit oqaluuserai. Naatsorsuutit akuerineqarnissaannik Aningaasaqarnermut Ataatsimiititaliamut kiisalu Kommunalbestyrelsimut inassuteqarniarluni kiisalu kommunip inissiaataani attartortittakkani ineqarnermut akiliutit 10%-imik qaffanneqarnissaannik aamma inassuteqaateqarniarluni Ataatsimiititaliaq aalajangerpoq. Ataatsimiititaliap aalajangernerata kingorna aningaasaqarnermut ataatsimiititaliamit kommunalbestyrelsimillu akuerineqarpoq.

Ineqarnermut naatsorsuutit taakku politikikkut suliarineqarnerannut atatillugu paasissutissani takuneqarsinnaasutut Kommunit Kukkunersiuisoqarfiat ukiumoortumik naatsorsuutinik naatsorsuile-reersimavoq.

BDO Kommunernes Revision maanna kommunip inissiaataani 2010-mut ukiumoortumik naatsorsuutinut oqaaseqaamminik nassiussaqaarsimavoq.

Oqaaseqaatini taakkunani takuneqarsinnaasutut kommunip inissianut immikkoortortai amigartooru-teqarsimapput, kiisalu kommunip inissianik aqutsiviani aningaasanik aqutsineq naammassimangi-laq.

Kommunimi tamarmi kommunip inissiaataanik attartortitsinermik Teknikkeqarfimmi Ineqarnermut Immikkoortortap aqutsisussanngorneratigut ajornartorsiutaalersut Teknikkeqarfimmiit 2010-mi upernaakkut qasseeriarluni tikkuartorneqartarsimapput. Suliassat isumagineqarneranni ajornartorsi-utaasut Teknikkimut Ataatsimiititaliap 31. marts 2010 ataatsimiinnerani immikkoortoq 8-imi erseq-

Oqaluuserisassat  
Kommunalbestyrelsi  
Ataatsimiinneq 07/2011

qissarneqarput pisortap ilungersorluni kissaatigimmagu suliassaq politikikkut qanoq iliuuseqarfigineqartariaqartoq – Teknikkimullu Ataatsimiititaliap suliamik tigusineratigut Ineqarnermut immikkoortorta q kommunip ikinngutaanit sapaatit akunneranni marlunni ikiorteqartinneqarpoq, kiisalu aasaanerani sulisumik allamik atorfinitsitsinissaminik ”akuerineqarluni”. Iliuserineqartut taakku naammanginnerat paasilluarlugu Inissiaatileqatigiiffimmut INI A/S-mut ineqarnermik aqutsinerup maanna tunniunneqarneranik kinguneqartumik taamani suliniartoqalerpoq.

Inatsisit tunngavigineqartut:

Aqutsinermut inatsimmi § 44, imm. 1 kiisalu Inissianik attartortitsisarneq pillugu Inatissartut peqqussutaat nr. 2, 12. maj 2005-imeersoq.

Aningaasatigut kingunissai:

Attartortitsisarnermut inatsit naapertorlugu.

Suliaq siusinnerusukkut Teknikkimut, Ineqarnermut Avatangiisinullu Ataatsimiititaliamit 4. november 2011-imi immikkoortut arferngattut oqaluuserineqarpoq imalu aalajangiisoqarluni:

*Ataatsimiititaliap Ineqarnermut immikkoortortat 2010-mi naatsorsuutaasa politikikkut sularinerisigut aningaasatigut pissutsit ilisimasimavai. Aammattaaq ilanngullugu oqaatigineqarpoq ukiuni kingullerni marlunni missingersuutit pillugit isumasioqatigiittarnerni ineqarnermut immikkoortortani ineqarnermut akiliutit piaartumik qaffattariaqalernerat Ingerlatsiviup oqaatigisarsimammagu.*

*Pissutsit suliassaqarfimmi tassani atuuttut Kukkunersiuisut oqaaseqaataasigut naqissuserneqartut Ataatsimiititaliamit ajuusaarutigineqarput. Ataatsimiititaliap ilisimavaa Ingerlatsivikk siusinnerusukkulli ikiortissarsiorsimammat, ilaatigut Ataatsimiititaliaq aqqutigalugu Ingerlatsivik 2010-imi upernaakkut toqqaanartumik ikiortissarsiorsimammat. 2010-imi aasaanerani tamakkiisuunnigsumik ikiuuttoqarpoq, naammangitsumilli. Ikiuineq taanna naammangitsoq paasinarsimmat inissianik aqutsinerup Inissiaatileqatigiiffimmut INI A/S-imut isumagisassanngortinneqassasoq aalajangerneqarpoq.*

Suliaq Aningaasaqarnermut Ataatsimiititaliamit kiisalu Kommunalbestyrelsimit sularineqassaaq. Aningaasaqarnermut Ataatsimiititaliap ataatsimiinnera 142011:

## **Aalajangerneq**

### **IMM. 12. KOMMUNIT INISSIAATAASA NIOQQUTIGINEQARNERAT**

Ukiup ingerlanerani kommunip illuutaanik, Narsami, Igalikumi Qassiarsummilu ittunik attartortut illunik tulliullugit taaneqartunik tigusiumallutik kissaataat tiguineqartarsimapput.

Ilanngunneqarputtaaq illut ataasiakkaat ullormi taaneqartumi pitsaassusiinik akiinillu naliliinerit.

Illu Qassiarsummiittoq misissorneqarmat paasineqarpoq nutartigassaasoq.

Oqaluuserisassat  
Kommunalbestyrelsi  
Ataatsimiinneq 07/2011

Illu Igalikumiittoq kingullertigut annikinnerusunik iluarsarneqarsimavoq/nutarterneqarsimavoq, taamattaarlu illu Narsamiittoq attartortumit namminermit isumaqatigiissuteqarnikkut nutarterneqarsimalluni.

| <b>B-nr. - sumi:</b> | <b>Attartortoq:</b>  | <b>Qanoq ittoq:</b> | <b>Sananeqarfia:</b> | <b>Pitsaassusia/akia:</b>   |
|----------------------|----------------------|---------------------|----------------------|-----------------------------|
| B-35, Narsaq         | Miilu P. Isaksen     | A II                | 1950                 | Pr. 16.03.2011: Kr. 31.634  |
| B-861, Qassiar-suk   | Hans Ole Frederiksen | 67/12               | 1971                 | Pr. 27.05.2011: Kr. 116.395 |
| B-993, Igaliku       | Kristian Egede       | GTO Type 75c        | 1975                 | Pr. 30.05.2011: Kr. 26.996  |

Teknikkeqarfiup misilittagai naapertorlugit illut sumiiffigisaanni taakkunani ”Teknikkikkut qanoq issusii aallaavigalugit akiinik naliliineq” tassaasarpog nalingat qaffasinnerpaaq. Tassa imaappog nioqqutigineqarnerini akigititassatut siunnersuutigineqartut naammaginartuupput.

Illut tunniuneqassappata piginnittuunermut uppernarsaat suliarineqassaaq, aammalu illup allamit pigineqalerneranut atatillugu nunaminertamik atugassanngortitsisoqassalluni. Nunaminertamik atugassanngortitsinermut atatillugu ukiup ataatsip ingerlanerani illup nutarterneqarnissaa piumasaaqatigineqarsinnaavoq.

Suliaq aningaasaqarnermut ataatsimiititaliamut kiisalu kommunalbestyrelsimut saqqummiunneqassaaq.

*Inatsisit tunngavigineqartut:*

Kommunip piginnaatitsissutaa kiisalu Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq kiisalu Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq

*Aningaasartai:*

Kommuni nioqquteqarnermini isertitaqassaaq- nioqquteqarnermi aningaasartuutit tamarmik pisisumt isumagineqassapput.

*Piumasaaqat:*

Ukiut marluk qaangiutsinnagit pisisup illu iluarsassavaa, taamaangippat pisineq kommunip atorrunnaarsinnaavaa.

Aningaasanik taaneqartunik, nioqquteqarnermi aningaasartuutinik ilasanik akilerlugit illut pineqartut nioqqutigineqarnissaat kaammattuutugalugu aningaasaqarnermut ataatsimiititaliamut suliap saqqummiunneqarnissaanik Teknikkimut Ataatsimiititaliaq aalajangerpoq.

Pisortaanerit inassuteqaataat:  
Kommunalbestyrelsimi akuerineqassasoq inassutigineqarpoq

Aningaasaqarnermut Ataatsimiititaliap ataatsimiinnera 142011:

### **Aalajangerneq**

#### **IMM. 13. PPR-IP TIGUNEQARNERA**

Atuarfeqarnermut meeqqeriveqarnermullu ataatsimiititaliamit inassutigineqarpoq PPR aappaagu-  
miit kommunip namminersorlutik oqartussaniit tigussagaa. Tigusinissaq kinguardeqqinneqassaga-  
luarpat tigusinermi atugassarititaasut ajorseriarnissaat ataatsimiititaliamit aarleqqutigineqarpoq.  
Tamanna tunngavigalugu aningaasat atugassat neqeroorutigineqartut tunngavigalugit tiguserup  
pinissaa inassutigineqarpoq.

Inatsisit tunngavigineqartut:  
Aqutsinermut inatsimmi § 42, imm.1.

Aningaasartai:  
Aningaasartuutit namminersorlutik oqartussat neqeroorutigisaattut amerlassuseqassappata aningaa-  
sartuutaaqqissanngilaq.

Pisortaanerit inassuteqaataat:  
PPR inassutigineqartutut tiguneqassasoq, suliassa qarfilli ataatsimoortumik tapiissutitigut utertinne-  
qartartutut aningaasartalerlugu missingersuutini allannngortussaajunnaarlugu aningaasartalerneqassa-  
soq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

#### **IMM. 14. KUKKUNERSUINERMIT NALUNAARUT NR. 7**

BDO Kommunernes Revisionsafdelingip nassiuppa Nalunaarut nr. 7 – 2010-imi Namminersorlu-  
tik Oqartussat suliassa qarfiinik kommunit naatsorsuutaaniittunik kukkunersuineq.

Aningaasaqarnermik Ingerlatsivik akissutissatut siunnersuummik nassiussaqarpoq.

Inatsisit tunngavigineqartut:  
Aqutsinermut inatsimmi §44, imm. 1.

Aningaasartai:  
?

Pisortaanerit inassuteqaataat:  
Akuerineqarnissaa kaammattuutigalugu kommunalbestyrelsimut ingerlateqqinneqassasoq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

## **IMM. 15. KUKKUNERSUINERMIT NALUNAARUT NR. 8**

BDO Kommunernes Revisionsafdelingip nassiuppaa Nalunaarut nr. 8 – 2010-mut naatsorsuutit kukkunersiorneqarnerat. 2010-mut inaarutaasumik nalunaarut

Aningaasaqarnermik Ingerlatsivik akissutissatut siunnersuummik nassiussaqarpoq.

Inatsisit tunngavigineqartut:  
Aqutsinermut inatsimmi §44, imm. 1.

Aningaasartai:  
?

Pisortaanerit inassuteqaataat:  
Akuerineqarnissaa kaammattuutigalugu kommunalbestyrelsimut ingerlateqqinneqassasoq.

Aningaasaqarnermut Ataatsimiititaliap ataatsimiinnera 142011:

### **Aalajangerneq**

## **PKT. 16. GARDAR FOUNDATION**

Aningaasaqarnermut ataatsimiititaliap 20. juni ataatsimiinnerani oqaluuserisassani imm. 14-ip nangingineqarnera. Gardar Foundationip Inuussutissarsiornermut suliffeqarnermullu immikkoortortap ataaniilernissaanik ataatsimiititaliap siulittaasuata Kalistap siunnersuutaa akuerineqartussatut kaammattuutigalugu Inuussutissarsiornermut suliffeqarnermullu ataatsimiititaliap nassiuppaa.

Tunngavissat pigineqartut aallaavigalugit pingasut akuersineratigut marlullu akerliuneratigut (Kaj Lyberth aamma Lisbeth Søvndahl Pedersen) Aningaasaqarnermut Ataatsimiititaliaq siunnersuummik itigartitsiniarluni aalajangerpoq. Kulturimut sunngiffimmullu ataatsimiititaliaq oqaaseqartinneqassaaq, tamatumalu kingorna suliaq nangingineqassalluni. Ataatsimiititaliaq taanna akissuteqaqqullugu nukingisaarneqarpoq.

Oqaluuserisassat  
Kommunalbestyrelsi  
Ataatsimiinneq 07/2011

27. juni kommuni aammalu Gardar Foundation qallunaatsiaat illuisa sanaqqitat ingerlanneqarnissaat aserfallatsaalineqarnissaallu siunertaralugu isumaqatigiissuteqarput. Aasaanerani takornariartitsisoqartarneq takornariat akiliisinneqarnerisigut aningaasalersorneqassaaq.

Takornariartitsinermut pisortat Qassiarsummi suliap takornarianut tunngasortaa pillugu saaffiginissutaannik ilisimatitsissut. Takornariartitsinermut pisortat saaffiginissutaat Ataatsimiititaliamit tusaatissatut tiguneqarpoq saaffiginissullu Aningaasaqarnermut Ataatsimiititaliamut aammalu Kulturimut Ataatsimiititaliamut ingerlateqqinneqarluni. Ataatsimiititaliap siusinnerusukku Qassiarsuk pillugu siunnersuut oqaluuserereersimavaa Aningaasaqarnermullu Ataatsimiititaliamut ingerlateqqissimallugu. Suliap suliareqqinneqarnissaa Ataatsimiititaliamit nukingisaarutigineqarpoq. Qassiarsummut tunngasup takornariartitsineq pillugu isumasioqatigiinnermi oqaluuserineqarnissaa siunnersuutigineqarpoq.

Inatsisit tunngavigineqartut:  
Aqutsinermut inatsimmi § 45, 4).

Aningaasatigut kingunissai:  
Kommunip ukiumoortumik tapiissutigisartagai

Pisortaanerit inassuteqaataat:  
Gardar Foundationip aalajangigai takornariartitsinermut tunngasut akuerineqassasut. Isumaqatigiissut isumaqatigiissutigineqartoq tunngavigalugu Gardar Foundationip kulturimut sunngiffimmullu tunngasunik suliaraqfimmiiinnarnissaa inassutigineqarpoq.

Aningaasaqarnermut Ataatsimiititaliap ataatsimiinnera 142011: *Gardar Foundationimut ukiumoortumik tapiissutigineqartartut nanginneqassapput, aningaasalli taakku inuussutissarsiornikkut suliffeqarnikkullu suliassa qarfimmu nuunneqarnissaat inassutigineqarpoq.*

**Aalajangerneq.**

**IMM. 17. KOMMUNALBESTYRELSIP 2012-IMI ATAATSIMIIFFISSAATUT ILERSAARUTIT**

2012-imi kommunalbestyrelsip ataatsimiiffissaatut pilersaarutinik allaffeqarfik nassiussaqarpoq

Inatsisit tunngavigisat:  
Aqutsinermut inatsimmi § 8 imm. 1

Aningaasartai:  
Ingen

Pisortaanerit inassuteqaataat:  
Akuerineqassasoq inassutigineqarpoq

**Aalajangerneq**

**IMM. 18. TAMALAAT**

Ataatsimiinneq ingerlanneqarpoq 09.00 –

Imaqarniliaq akuerineqarpoq.

Simon Simonsen

Kaj Lyberth

Kristine Raahauge

Bena Olsen

Jens Peter Kielsen

Kiista P. Isaksen

Ole Mølgaard-Motzfeldt

Kalistat Lund

Arne Lund

Thomas Ezeziassen

Carl Rødgaard

Lisbeth Søvendahl Pedersen

Lasse Davidsen

Henrik Brummerstedt

Ingemann Dorph